

Oké Take Away
Nos Special
August 29
-Mochi pisca
Brasi

565-3232

S ILO
Prijs **1.25**
Di Pueblo
BRIYANDÓ FUERTE • TRECIENDO CLARIDAD
Diamars 29 Augustus 2023

**KVK - AHATA
- ATIA - CUA:
Orguyo ta
costa pueblo
mas den
impuesto**

HULANDA NO A PONE DEADLINE PA FIRMA RAFT, DICON GREMIO COMERCIAL TIN ANSHA?



TURISTA (50) COLOMBIANO A HOGA DEN POOL



MINISTER ODUBER CONTENTO CU MILES DI TURISTA TA BISHITANDO SAN NICOLAS VISITOR INFORMATION CENTER



PARTIDO MEP TA FELICITA SU LIDER EVELYN WEVER- CROES PA SU 12 AÑA COMO LIDER DI MEP

MINISTER ENDY CROES A PRESENCIA CEREMONIA DI CLAUSURA DI OPEN INTERNACIONAL ARUBA TAEKWONDO 2023



TURISTA(50) COLOMBIANO LO A HOGA DEN POOL



Boegoeroei - Dialuna mainta trempa no a habri bon pa algun turista cu ta hospedando na un complejo di apartamento situa na Boegoeroei.

Polis dialuna mainta trempa a bay Aruba Sea Star Apartments na Boegoeroei, unda cu un persona lo a hoga.

Na yegada e persona o sea e curpa ainda tawata den e pool. Ambulance tambe tawata na caminda

y alabes a notifica e otro instancianan concerni.

Te na momento cu nos tawata na e sitio dokter no a yega e sitio ainda. Departamento tecnico di polis si a yega y tawata haciendo nan investigacionnan, pa despues saca e curpa for di pool.

Lo ta trata di un turista Colombiano masculino di 50 aña di edad.



KVK - AHATA - ATIA - CUA: Orguyo ta costa pueblo mas den impuesto

, 28 Augustus 2023 –Aruba Trade & Industry Association (ATIA), Aruba Hotel & Tourism Association (AHATA), Comerciantenan Uni (CUA), y Camara di Comercio (KVK) a calcula cuanto e lo costa cada famia na Aruba si Gobierno y Parlamento no acepta RAft.

Sin RAft, gobierno di Aruba lo mester fia placa na un tasa di interes mas halto, cual lo costa Aruba por lo menos AFL 30 Mion pa aña. Al final ta pueblo lo paga e suma extra aki.

Aunque cu Aruba su peso di impuesto ta halto caba, e debe nobo aki lo costa cada famia AFL 870 adicional pa aña.

Mientrastanto, Gobierno di Aruba a bai di acuerdo pa acepta RAft caba ora a fia placa di Hulanda, y ta e mesun normanan di presupuesto lo tin si ta usa LAft (ley local) of RAft (ley di reino). Si Aruba nenga awor di regla e normanan pa finanzas publico den un RAft, cada famia na Aruba lo mester paga por lo menos AFL 870 mas cada aña den impuesto, pa cubri e costo di e decision.

Pa evita mas peso financiero riba Aruba su comunidad cu ta paga hopi na impuesto caba, nos gobierno y Parlamento mester tuma un decision practico en bes di un decision emocional.



Hulanda no a pone deadline pa firma RAFT, dicon Gremio Comercial tin ansha?

Por a tuma nota cu gremio comercial tin manera un ansha di morto pa Gobierno firma RAFT. Den menos cu 24 ora a manda dos comunicado unda nan ta pone precion pa acepta RAFT. Dicon e ansha di morto ey?

Hulanda a declara diabierna cu nan ta negociando cu Promer Minister di Aruba. Unda promer minister di Aruba a pidi espacio pa e por entrega un otro proposicion.

Hulanda a bay di acuerdo y a duna Gobierno di Aruba algun siman pa un proposicion nobo.

Pues e status ta cu Gobierno di Aruba y di Hulanda ta na mesa y ta

negociando.

Durante e negociacion aki, tur cos por pasa y e RAFT por keda riba mesa, of e por cambia den algo otro. No tin decision final ainda.

Pesey ta incomprendibel dicon e Parlamentario Comercial Mansur y Gremio Comercial ta birando loco pa Gobierno haci liher pa firma RAFT.

Nos ta haya esey un falta di respet, pasobra nan no ta politico y nan no a wordo eligi pa pueblo pa hiba su representacion. Ni Hulanda a exige pa firma awor.

Dicon Gremio Comercial si ta pone exigencia pa firma awor?



Minister Oduber contento cu miles di turista ta bishitando San Nicolas Visitor Information Center



Dialuna despues di e conferencia di prensa na Rodgers Beach Minister di Turismo sr. Dangui Oduber a pasa bishita e San Nicolas Visitor Information Center (VIC).

E oficina ta fungi como e curason y centro di informacion pa turista na San Nicolas. Minister

Oduber ta contento cu desde cu nos a habri e oficina aki pa brinda informacion na turistanan e la sa di ta uno super exitoso. E aña aki ya caba mas di 6 mil turista a pasa eynan pa pidi informacion. Den San Nicolas nos bishitantenan por disfruta di “walking tours” y tambe por siña mas di nos dushi



isla riba e television nan interactivo. Awor por bishita e museonan tambe y sina mas di nos herencia y nos cultura. Hopi di esnan cu a bishita e siman aki tabata tin inmenso interes den e mural artwork nan cu tin rond

den San Nicolas y tambe Baby Beach.

Un oficina di informacion cu ta wordo bishita pa miles di turistanan mensualmente.

Minister Dangui Oduber su maneho di Turismo ta

pa contribui positivamente na turismo di pariba di brug. Ta sigui inverti den proyectonan grandi pa asina sigui cumpli cu San Nicolas. Turismo ta nos forsa y e driver principal di nos economia.

Partido MEP:

PARTIDO MEP TA FELICITA SU LIDER EVELYN WEVER-CROES PA SU 12 AÑA COMO LIDER DI MEP

E prome lider di MEP femenino. E prome Minister President Femenino di Aruba. E prome votegetter femenino di Aruba den eleccion 2021 y ta bay den historia pa su bon maneho durante e pandemia

MEP a ser funda dia 9 di februari 1971 y den transcurso di añanan e partido aki a contribui grandemente na e desaroyo politico, estatal, economico y social di nos pais. MEP como un partido social democrata a ser funda door di un movimiento popular a base di principianan democratico y cu un sentimento social pa bienestar di tur ciudadano den e pais aki.

MEP ta un partido cu

desde su fundacion te cu awor a conoce solamente tres lider, esta sr. Gilberto F. (Betico) Croes den feliz memoria (lider 1971-1986), sr. Nelson Orlando Oduber (lider 1986-2011) y sra. mr. Evelyn Wever-Croes (lider desde augustus 2011). Asina, Lider di MEP ta bira e prome lider di MEP femenino. E prome Minister President Femenino di Aruba. E prome votegetter femenino di Aruba den eleccion 2021 y ta bay den historia pa su bon maneho durante e pandemia cu ta hibando Aruba den recuperacion.

Lider di MEP ta conta cu tur cos a cuminsa cu e vision di nos lider honorario Nel Oduber cu a pidi'e pa drenta den politica na aña 2009. Nel a fungi como lider pa 25

aña cual el a haci den un forma sublime, logrando ta 4 biaha Prome Minister di Aruba.

Na aña 2011, 28 di augustus, Evelyn Wever – Croes a asumi e reto pa lidera Partido MEP. Durante e periodo aki, tur miembro mester a custuma cu Nel no tey mas y tambe cu e estilo di liderazgo di e prome Lider di MEP femenino. Sinembargo, hunto cu tur miembro, sostenedor y candidatonan di MEP, a uni nos Partido mas y a logra haci MEP e Partido di mas grandi na Aruba. Evelyn a pasa den 4 eleccion hunto di cual 3 como lider di Partido.

Despues di eleccion 2017, Evelyn Wever-Croes a bira e prome Minister President femenino di Aruba.



Den e prome periodo di Gobierno di MEP, a logra cosnan grandi pa Aruba gobernando den e pio reto cu nos pais a enfrenta. Ta p'esey tambe, MEP a gana eleccion y pueblo a expresa e gratitud den e votonan haciendo Premier Wever – Croes e prome votegetter femenino di Aruba.

Partido MEP ta felicita nos Lider, Evelyn Wever-Croes

pa su 12 aña como Lider di nos Partido. Danki pa guia e Partido den gran forma cu vision y determinacion pa haci nos Partido fuerte y asumi responsabilidadnan pa goberna nos pais. Bou liderazgo di nos Lider, MEP lo sigui cu e trabou duro y logra cosnan mas grandi ainda pa Aruba.

Curso di Cabrito y Carne a cuminsa

Durante siman y weekend tras di lomba a inicia e curso pa maneho di Cabrito y Carne pa Proposito Commercial.

Manera a wordo anuncia den un comunicado anterior cu interesnan a keda halto pa e tipo di cursonan aki.

Departamento di Agricultura, Cria y Pesca Santa Rosa a prepara pa e di dos curso y esaki a cuminsa. Tabata diahuebs ultimo cu esaki tabata e prome curso di theoria aki na Santa Rosa for di 7'or pa 9'or di anochi. Sigui pa diasabra tras di lomba cu tabata e prome curso practico riba tereno di Santa Rosa. Aki a bishita e parti di criansa di Cabrito

y Carne pa por duna un splicacion amplio dor di nos hefe di seccion di criansa den persona di sr. Edward Berben. E curso practico ta entre 9'or pa 11'or di mainta.

Riba tereno di Santa Rosa mes ta muestra diferente posibilidad pa alimentonan pa bestia. Indicando kico por ta e matanan cu por wordo planta pa alimenta bo bestianan sin problema. Teniendo na cuenta tambe e parti nutritivo cu e matanan aki tin.

A bishita diferente cura di Cabrito y Carne pa e cursistanan por haya diferente splicacion riba e maneho optimal di criansa. Conoce na ki



momento un Cabrito of Carne por ta malo y kico por ta e solucion. Conoce rasanan si nan ta puro of no. Na momento di rasa bo Cabrito of Carne kico bo mester tene cuenta cune. Simanan cu nan ta "dik" con pa controla si tur cos ta bayendo bon. Cuido di

Lamchi pabo por tin un ehemplar cu bon nutritivo y cui cuido adecuado. Asina nos por sigui menciona cu e curso aki ta lagabo sera conoci cune.

E Curso aki ta continua te c 23 di september caminda na final tur cursista lo

ricibi nan certificado di participacion exitoso.

Di parti di Santa Rosa nos ta desea tur cursista hopi éxito y cu nan por amplia mas nan conocimiento riba criansa di Cabrito y Carne pa proposito commercial.

Pregunta frecuente

Mi tin COVID, kico awo?

ARUBA- 28.08.2023.

Departamento di Salud Publico ta ricibi frecuentemente for di ciudadanonan cu ta test positivo pa COVID e pregunta "Kico awo, kico mi mester haci"?

Departamento di Salud Publico kier informa na comunidad cu na momento cu bo persona tin sintomanan respiratorio parecido na griep pa purba distancia bo mes mas tanto posibel for di demas persona. Esaki pa evita di contagia otro persona cu un of otro virus respiratorio. No ta COVID so ta duna sintomanan respiratorio cu por conduci na hospitalisacion, complicacion y asta morto pero tambe virusnan manera Influenza, Parainfluenza, Rotavirus, Adenovirus y otronan.

Den caso cu un persona ta sospecha cu e por tin COVID e conseho ta pa:

- Haci un zelf test cu ta obtenibel den tur botica. Den caso cu esaki sali positivo isola of distancia bo mes for di otro hende pa minimo 5 dia te ora cu bo ta sinti bon atrobe.

- Traha for di cas si esaki ta posible, consulta esaki cu bo dunador di trabou.

- Evita contacto cu personanan cu ta conoci of cu ta bisa cu nan por bira hopi malo si nan haya un virus respiratorio. Usa un tapa boca den caso cu no por evita contacto cu personanan asina (manera por ehempel den caso cu bo mester cuida di un familiar cu ta malo)

- Sigui consehonan general di higiena pa



laba man manera laba man frecuentemente, particularmente prome cu come y evita mishi cu wowo, nanishi y boca cu bo man.

- Sigui consehonan general di higiena ora di tosa of nister

- Percura pa suficiente ventilación den cas

- Consulta telefonicamente cu dokter di cas pa conseho y tratamiento

Pa mas informacion

like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

Minister Endy Croes: CEDE ARUBA HUNTO CU IBISA Y GOBIERNO DI ARUBA TA LANSA PROYECTO BAN CAYA



Diabierna ultimo, Minister di Enseñansa y Deporte Endy Croes tabata presente na Centro di Barrio Noord, unda cu CEDE Aruba hunto cu IBISA y Gobierno di Aruba a lansa e proyecto di Ban Caya. E meta di e proyecto Ban Caya ta pa reactiva e barionan, unda nan por pasa un dia cu nan sernan keri y conoce nan bario. E idea ta pa bay diferente bario di Aruba, unda cu cada bario ta haya oportunidad di muestra nan residentenan kico nan ta ofrece. Ta bay inicia e proyecto aki den e bario di Noord, dia 10 di september proximo. Ta bay tin un gran cantidad di organisacion presente, entre otro, tent di



yoga, tent di nutricion, tent di manicure y pedicure, bus di salud y diferente club di deporte cu lo ta haciendo un demostracion. Minister Endy Croes ta haci invitacion na Pueblo

di Aruba pa bin apoya e bunita proyecto aki dia 10 di september 2023, di 3 or di atardi te cu 7 or di anochi den e dushi bario di Noord.

Cu calidad na prome luga e ta ehecuta su trabou cu hopi amor y talento

Noëlia Khalil ta empleado di luna di augustus 2023 na HOH



Mensualmente Horacio Oduber Hospital (HOH) ta brinda reconocimiento na un colega cu a destaca den su trabou y pa e luna di augustus 2023, a toca turno na dokter di piso Noëlia Khalil. Noëlia no a sospecha nada di e gran sorpresa aki y hasta a pensa ora ela dreña cu e lo ta un surprise di despedida door cu awo e ta bay sigui cu su studio na Hulanda. Pues un sorpresa grandi pa Noëlia ora hunto cu colega, especialista y famia ela haya sa cu ela wordo nombra como empleado di luna na Hospital. Un celebracion exitoso cu a laga Noëlia completamente emocionada.

E hospitalistanan hunto cu manager di piso y otro coleganan a manda un bunita motivacion pa Hunta di Directiva contando e trayecto di Noëlia y su cualidadnan unda ta describi dicon e merece bira empleado di luna na HOH. Noëlia a studia na Costa Rica y a cuminsa traha na HOH 3,5 aña pasa formando parti di e proyecto cu ta pa dokternan cu no ta registra den BIG-register (registracion rekeri pa mediconan na Hulanda). E proyecto aki ta pa asina nan por obtene e registracion di BIG aki pa por sigui

specialisa na Hulanda pa despues Noëlia regresa su isla.

For di comienso caba ela demostra di tin un pasion y amor grandi pa su trabou y su pashentnan. Tur dia e ta haci su maximo esfuerzo pa duna e miho cuido posibel na su pashentnan. Ademas, e ta traha bon den team unda cu e ta e 'glue' di e grupo di dokternan di piso. Semper e ta cla pa yuda y ta reacciona lihe den situacionnan agudo y di stress. E tin hopi pasenshi y comprension, tratando coleganan cu respet hasta ora tin tension e ta keda trankilo. Noëlia ta traha duro y tin hopi talento riba tereno di cuido medico. Pashent, colega y specialistanan tur tin confiansa den dje pa cu su experticio y ehecutacion di su trabou.

Loke ta haci Noëlia special ta cu no solamente e ta enfoca continuamente riba brinda calidad di cuido pero tambe ta dedica na eleva calidad di cuido door di scirbi protocol y procesonan. Tambesemper e ta haya importante pa siña enfermera y otro coleganan e practica di trabou. Y di e forma aki e ta purba pa semper stimula coleganan pa sigui



duna un bon calidad di cuido na nos pashentnan. "Noëlia ta sigui studia y update su conocimiento constantemente. E ta un persona humilde pero fuerte y a demostra su nificacion excepcional pa pashent, colega, HOH y comunidad di Aruba", asina Jacco Vroegop, director di HOH a menciona durante e sorpresa organisa pa Noëlia."

Noëlia merece di ta den 'spotlight' prome cu e sigui su carrera na Hulanda. Ful team HOH ta gradici Noëlia pa su dedicacion na cuido medico di Aruba y ta spera cu e t'ey pronto bek pa reforsa team di HOH y sigui contribui na eleva e calidad di nos cuido medico. Masha pabien Noëlia!

Aruba y Acciona Energía ta firma un MOU pa desaroyo di un Green Hydrogen Valley



PRESS RELEASE | 29/08/2023

Innovation. Green Hydrogen

ACCIONA ENERGÍA AND ARUBA SIGN MOU FOR GREEN HYDROGEN VALLEY

MADRID, 29 AUGUST, 2023. ACCIONA Energía has announced today the signing of a Memorandum of Understanding (MOU) with the Government of Aruba owned Energy Entities to work together in the development of a Green Hydrogen Valley on the island.

ACCIONA Energía will work with the State-Owned Energy Entities of Aruba to develop, construct and operate a green hydrogen plant powered by a self-consumption renewable energy project. The electricity generated will be used to produce green hydrogen and the excess will be used internally on the island to reduce the use of imported fossil fuels. The project will utilize land currently owned by state-owned refinery, Refineria di Aruba N.V., water will be supplied by WEB Aruba, whilst Elmar will manage energy distribution and transmission across the network.

ACCIONA Energía will support the State-Owned Energy Entities of Aruba with the deployment of the necessary infrastructure to build a renewable hydrogen ecosystem on the island and explore supplementary uses for the green hydrogen, including export opportunities.

Through this transformative project, the Aruba Government and its Energy Entities are set to fortify their commitment to energy independence. The country aims to transition away from traditional energy sources, and has set an ambitious target of establishing renewable energy as the primary source by 2050.

ACCIONA Energía is well placed to partner with the Government of Aruba and its Energy Entities on this innovation project and contribute to the island's decarbonization with its vision of a renewable-powered future.

In March 2022 ACCIONA Energía inaugurated its "Power to Green Hydrogen Mallorca" project, which included the construction of an electrolysis plant, the development of two photovoltaic plants that feed it, as well as a green hydrogen refuelling station on the island. In addition, the company is currently advancing on the development of an industrial-scale, green hydrogen production plant in Navarra, Spain, that will start generating green hydrogen in 2025.

With this MOU, ACCIONA Energía and the Government of Aruba embark on a collaboration to establish a renewable hydrogen ecosystem for Aruba that aims not only to transform local industries, but also extend the reach to the Caribbean region and beyond.

Minister Ursell Arends:

Nos desperdicio ta nos responsabilidad

Maneho di desperdicio riba nos isla ta un problema serio. E ta un problema cu tin efecto riba nos paisahenan, nos salud y asta nos turismo. E tema aki ta uno cu no ta nobo. Na 2019 a haci un estudio científico pa evalua cuanto pida sushi nos tin pa meter cuadra riba nos isla. Den e estudio conduci, cu colaboracion di Impact Blue Foundation, un organisacion cu ta enfoca riba maneho di desperdicio cu un enfoque special riba maneho di plastic, a resulta cu na Aruba nos tin 2.52 pida di sushi pa meter cuadra. E cifra aki ta mas halto cu esnan di otro islanan unda nan a haci e mesun estudio. Pues Aruba tin un promedio di pida sushi pa meter cuadra mas halto cu Antigua, Boneiro y San Blas (Panama) hunto.

Hincando e datonan aki den perspectiva, na Aruba, nos tin 100% acceso na servicio di coleccion di desperdicio, y pa compara cu e otro islanan cu no por ofrece e mesun acceso. Por

constata cu historicamente na Aruba nos no a hiba un maneho di desperdicio efectivo. Es mas, desde año 2005 ora a introduci un tipping fee na Parkietenbos, por a nota un crecimiento den 'wildstorten', esta tiramento di sushi den mondi, segun e rapport di Cero Tolerancia na 2012 haci pa Directie Natuur en Milieu. E mesun rapport aki ta indica cu ya caba desde 2012 tabatin 62 afgravingen, esta buraco, di cual 31 tabata wordo uza como dump ilegal.

Locual ta sobresali di e hechonan aki ta cu na final di dia, e ta un cuestion di nos balor y normanan. Si na Aruba nos tin un promedio mas halto di pida sushi pa meter cuadra cu otro islanan den Caribe, lo e tin algo di haber cu nos mes como sociedad. Tiramento di bleki for di bentana di auto cu bentamento di saco di sushi den mondi, ta cosnan cu pa nos como ciudadano a bira custumber. E ironia di esaki ta cu Aruba ta e



producto cu ta duna nos nos pan di cada dia. Nos ta depende casi completamente riba nos turismo economicamente. Locual ta trece miyones di turista riba nos isla cada año ta nos bunita naturalesa cu ta wordo perhudica pa nos habitonan encuan to desperdicio.

Nos mester responsabilisa nos mes encuan to e desperdicio cu nos ta genera. Nos bisiña su desperdicio no ta di nos, y esun di nos no ta di

dje. E responsabilidad ta cay riba cada un di nos cu ta haci di Aruba nos hogar. Dia 22 di augustus a lansa e campaña nacional 'Limpi Limpi' unda lo duna e ciudadano e oportunidad atrobe pa drecha nan comportacion y tene Aruba limpi limpi.

E año aki, e estudio científico lo wordo ripiti y lo por compara e resultadonan cu e datos di 2019.

Prome Minister Evelyn Wever-Croes:

PROME MINISTER Y MINISTER DANGUI ODUBER TA RICIBI BISHITA DI EMBAHADORA DI INDIA NA DEN HAAG, SEÑORA REENAT SANDHU

“Gobierno ta busca tur posibilidad pa crea mas progreso y bienestar pa e pueblo di Aruba”



Diabierna 25 di augustus, Prome Minister Evelyn Wever-Croes hunto cu Minister Dangui Oduber, a ricibi bishita di Embahadora di India na Den Haag, Reenat Sandhu. E Embahadora na Den Haag ta esun cu ta atende cu interesnan di India den henter Reino. Pa pais Aruba, ta importante pa tin contacto cu e Embahadora

cu a trece hopi oportunidad pa Aruba. Di parti di Gobierno di Aruba, Prome Minister a informa Embahadora Sandhu di e manera impresionante cu Aruba ta recuperando despues di e pandemia apesar cu no tawata facil. Gobierno ta haci tur esfuerso pa inclui tur ciudadano den recuperacion di Aruba.

Embahadora Sandhu a splica cu India tambe ta atendiendo cu tur reto di e pandemia y a informa con e situacion actual ta na e pais.

Un punto cu a wordo delibera riba dje ampliamente tawata tocante remedi. India ta conoci como un di e miho paisnan cu ta traha remedi generico na prijsnan hopi faborabel. Minister di Salubridad, Dangui Oduber a remarca cu ya desde 2008 un delegacion di Aruba a bay India pa sondia posibilidadnan. Sin embargo, door di cambio di gobiernonan na Aruba, no a sigui riba e tema aki.



Minister Oduber awor kier sigui cu e plan aki. Gobierno lo haci esaki a traves di Minister Plenipotenciario na Hulanda, Ady Thijsen.

Otro topiconan cu a wordo treci dilanti ta topico di empoderamento di hende muhe, di innovacion, y tambe riba oportunidadnan nobo pa desaroya economia. “E tawata un bon reunion

y Gobierno lo sigui den contact pa asina yega na palabracionnan y beneficienan concreto cu talves India por yuda Aruba cu ne. Na e momento aki, Gobierno ta busca tur posibilidad pa crea mas progreso y bienestar pa e pueblo di Aruba”, Prome Minister Evelyn Wever-Croes a duna di conoce.

Exprodesk ta invita nos comerciantenan pa participa na e proyecto ‘Arubaverse 2.0’



- Departamento di Asuntunan Economico, Comercio y Industria y su unidad Exprodesk, ta organisa den colaboracion cu Full Stack Vision FND y faciliata door di MATEVO Multiverse e proyecto ‘Arubaverse 2.0’. E proyecto lo tin varios tayer/ meetups mensualmente for di augustus 2023 pa maart 2024. E prome meetup lo tuma lugá diaranson 30 di

augustus na Departamento di Asuntunan Economico, Comercio y Industria (L.G. Smith Boulevard #160 Sun Plaza Building 2nd Floor), di 6:30pm pa 7:30pm. Participacion ta gratis y e idioma lo ta papiamento y ingles. Pa por participa mester registra na: <https://arubaverse.io/>

Proyecto ‘Arubaverse 2.0’ E proyecto ‘Arubaverse 2.0’ ta wordo organisa pa tur entrepreneur y comerciantelocal. Durante e meetups di ‘Arubaverse 2.0’, participantenan lo ricibi informacion tocante ‘Free Artificial Intelligence (AI) tools’; ‘digital assets latest trends’; con AI por yuda’bo adapta of crea un modelo comercial nobo; ‘user-centric design principles’; conocimiento di ‘computing systems’ y nan aplicacionan practico; mercadeo digital; ‘data-driven decision-making’;



simplificacion di conceptonan di algoritmo y structuranan di data; ‘blockchain’; e futuro di e pagonan digital; bienes digital/NFT y mucho mas! Tambe durante henter e proyecto ta pidi tur participante pa bin cu nan laptop pa asina experiencia pa nan mes den un forma practico con pa aplica

imediantamente tur loke nan a siña. Oradornan local y internacional Lo tin varios oradornan local y internacional durante e proyecto aki. Pa dia 30 di augustus 2023, lo tin e oradornan local kende ta sr. Germille Geerman y sr. Ruben Metevosyan di MATEVO Multiverse y tambe sr. Bruce Harms di

Full Stack Vision FND. Pa mas informacion over di e proyecto ‘Arubaverse 2.0’, por tuma contacto cu sra. Sharon Meijer via: s.meijer@deaci.aw Pa participa mester registra na: <https://arubaverse.io/> Participacion: GRATIS!

Minister Endy Croes: DOS KLAS DI INSTITUTO PEDAGOGICO ARUBANO TA DEN PLENO RENOBACION



rome cu final di aña escolar, Minister di Enseñansa y Deporte Endy Croes a reuni cu directora Marilyn Richardson y staf di Instituto Pedagogico Arubano (IPA), unda a trece varios peticion.

Minister Endy Croes a bay di acuerdo pa yuda di inmediato cu algun trabou chikito di mantencion. Alabes, e mandatrio di Enseñansa a comunica na e team di IPA cu pronto e lo reuni cu DOW pa haci un

“opname” completo pa e aña entrante por haci un mantencion grandi di e scol, cual ta un necesidad.

Pa locual ta e trabounan chikito a inicia den luna di augustus di e aña aki y ta den e fase final pa asina algun lokaal cu no por wordo uza, por drecha bek den servicio.

Esaki sigur ta un ayudo inicial cu IPA ta contento cu ne. Minister Endy Croes a informa cu actualmente dos klas di IPA ta den proceso di renobacion.



Mester a drecha e plafond di un di e lokaalnan.

Tambe mester a drecha e beton dañá bou di e vloer di e prome piso y finalmente verf e lokaal.

Den e otro lokaal mester cambia bentana caminda awa ta pasa. “E plan ta pa den futuro renoba e scol completamente”, Minister Endy Croes a indica.

MINISTER ENDY CROES A PRESENCIA CEREMONIA DI CLAUSURA DI OPEN INTERNACIONAL ARUBA TAEKWONDO 2023



Diasabra mainta, na Centro Deportivo Betico Croes na Santa Cruz a tuma luga ceremonia di clausura di e di 23 edicion di Open International Aruba Taekwondo 2023 organisa pa Stichting Tiger Taekwondo Academy. E competencia internacional a tuma luga na Aruba di 21 pa 26 di augustus. Alrededor di 90 atleta nacional y internacional di ocho (8) pais a competi: Brazil, Colombia, Curaçao, Ecuador, Puerto Rico, Republica Dominicana, Spaña y Aruba. Minister Endy Croes tabata presente pa sostene e atletanan.

Alabes, e mandatario di Deporte a hiba palabra unda a desea e atletanan hopi exito. Presente e mainta aki tabata Sra. Nicole Hoevertsz vice presidente di Comité Olimpico Internacional.

Pa conclui, Minister Endy Croes ta gradici pa e invitacion, alabes ta felicita e maestro Sr. Teofilo

Rodriguez, Stichting Tiger Taekwondo, boluntario- y patrocinadonan cu a haci e torneo internacional aki posibel y exitoso. “Haci

deporte ta forma patria”, Minister Endy Croes a enfatisa.



Prome Minister Evelyn Wever-Croes:

Mirando cu e debe di pandemia lo madura dia 10 di October

GOBIERNO DI ARUBA TA SIGUI DEN NEGOSACION CU HULANDA PA PURBA YEGA NA E MIHO SOLUCION PA ARUBA

Despues di e reunion publico den Parlamento diamars ultimo pa trata e tema di refinanciamiento, Gobierno di Aruba a sigui den contacto cu Hulanda pa sigui na mesa di negociacion. Prome Minister Evelyn Wever-Croes a indica cu e debe di e prestamo di Hulanda durante e pandemia, ta madura dia 10 di october benidero. E debe ta na un total di 916 miyon florin. Aruba sea mester paga e debe of e lo mester refinancia. Aruba no tin e placa pa paga e debe aki por lo tanto mester refinancia.

Prome Minister a indica cu Aruba lo por haya e refinanciamiento riba mercado internacional y

of tambe na Hulanda na e interesnan di mercado pero Hulanda ta dispuestu tambe pa duna na interesnan mas abou. Esaki, Prome Minister a indica cu Gobierno ta den negociacion cu Hulanda riba dje y kier logra tambe pasobra e deal aki lo scapa Aruba por lo menos 30 miyon florin pa aña.

Premier di Aruba a subraya cu despues di e debate den Parlamento diamars ultimo, e reunionnan cu Secretario di Estado Alexandra Van Huffelen a sigui y ta bayendo den bon direccion. “Nos ta mira un apertura, aunke no grandi, pero Gobierno ta purba yega na e miho palabracionnan pa Aruba”, Prome



Minister a enfatisa.

Algo positivo tambe, Prome Minister a indica, ta cu ya Van Huffelen a indica cu lo ta dispuesto pa duna un periodo mas largo pa paga e debe. “Locual

cu Gobierno di Aruba ta purba logra ta pa yega na interes mas abou pa paga e debe sin cu e ta un peso riba e presupuesto di pais Aruba. E reunionan ta bayendo bon. Nos ta na mesa di negociacion ape-

sar cu esaki no ta facil tur ora, pero semper cu respet pa otro. Pa Gabinete Wever-Croes, e interes general di pais Aruba ta na prome luga”, Prome Minister Evelyn Wever-Croes a duna di conoce.

Bishita di Head of Delegation di EU na Guyana cu Minister President y Minister di Economia



E siman aki Aruba a ricibi sr. Rene van Nes cual ta e hefe di delegacion di Union Europeo estaciona na Guyana. Sr. van Nes a inicia su periodo di 4 aña na Guyana na september 2022 y esaki ta su prome

bishita na e islanan Hulandes, incluyendo Aruba.

Durante su bishita Sr. van Nes a reuni cu Minister President, sra. Evelyn Wever-Croes y minister Geoffrey Wever di Asun-

tonan Economico, Comunicacion y Desaroyo Sostenibel pa intercambia di ideanan y revisa algun proyecto andando. Tambe lo revisa futuro proyectonan cual ta wordo financia door di Union Europeo.

Un combersacion hopi ameno unda cu di ambos banda ta enfatisa e colaboracion entre Aruba y e delegacion y Union Europeo. Tambe a uza e oportunidad pa combersa riba e planificacion di e fondonan nobo cu Aruba lo ricibi pa e programa di E-Government cu Gobierno di Aruba ta preparando.

Actualmente e facultad nobo di STEM na Universidad di Aruba (SISSTEM) ta wordo financia door di Union Europeo. Esaki, entre otro, ta e proyecto di mas grandi actualmente tumando luga cu ta ser financia pa UE.

Durante su estadia na Aruba sr. van Nes lo bishita Universidad di Aruba y e area di renobacion di Maria Convent y por a observa e avancen den e renobacion. Sr. van Nes tambe lo bishita algun proyecto mas chikito manera e proyectonan di RESEMBID cual tambe ta

ser financia via di e fondonan Europeo regional cu ta entre otro 'Turning the Tide', 'Aruba's Public Safety and Multi-Hazard Early Warning System' (EWS) y 'Validation of replicable methods for coastal ecosystem monitoring'.

Sr. van Nes tambe lo haci un bishita na Parke Arikok pa cual den pasado a wordo financia door di Union Europeo.

Sr. van Nes tambe lo duna un lectura na Universidad di Aruba dia 28 di augustus binidero.

MINISTER ENDY CROES TA FELICITA E GANADONAN DI MR. ARUBA 2023



ORANJESTAD: Diasabra anochi, na Cas di Cultura a tuma luga di 50 edicion di Mr. Aruba 2023 organisa pa Aruba Bodybuilding &

Powerlifting Association (ABPA) y e motor tras di e tremendo evento aki Sr. Giovanni Arendsz. Un Cas di Cultura “sold out” di

fanatico pa duna sosten y apoyo na e atletanan di e disciplina di bodybuilding. Alrededor di 30 bodybuilder femenino y masculino a participa den 13 diferente categoria. Mandatario di Deporte tabata presente, unda a hiba palabra y a desea tur e atletanan exito di e competencia di Mr. Aruba 2023.

Minister Endy Croes ta felicita tur atleta cu a prepara y a competi den Mr. Aruba 2023. Masha pabien na e ganadonan. Cu boso deseo, disciplina, dedicacion y determinacion boso a logra.



Pabien!

Heatstroke of Molesteser severo debi na calor

ARUBA- 28.08.2023. Na Aruba nos clima ta basta consistente sinembargo tin periodo durante aña cu ta haci mas calor cu normal. E temperatura halto combina cu falta di humedad por causa diferente problema di salud specialmente ora ta trata di un periodo largo cu e calor ta excesivamente abnormal. Aki por papia di un heatwave of cu otro palabra un ola di calor. E tin su efecto riba hende y bestia. Riba hende e tin efecto especialmente riba e personanan cu un enfermedad cronico manera, diabetes, presion halto, cancer, asthma, pero tambe esnan cu nan trabou ta fisicamente pisa y pafo. Otro grupo di riesgo ta hende grandi, baby, muchanan chikito, hende cu sobre peso y obesidad. Nan ta core riesgo pa haya problema di salud durante e dianan mas calor di aña of durante un golpi di calor.

Durante di dianan di calor exesivo of ora keda pa un tempo largo den solo, nos curpa ta soda mas cu normal, nos curpa ta perde mas likido cu normal y esaki por tin como consecuencia cu nos no ta cuminsa sinti bon. Ora ta papia di no sinti bon ta referi na dolor di cabes, cabes ta bira, gana di saca, cay flauw y te asta un stroke debi na e condicion severo di calor.

Heatstroke, esta un molesteser severo debi na calor Heatstroke ta un condicion hopi delicado caminda cu e curpa a stop di soda. E temperatura di curpa ta sigui subi mas cu 40 grado Celsius y ta perhudica e centro di control cu ta regula e temperatura corporal. E sintomanan cu un persona ta presenta ta entre otro su curpa ta bira cayente, su cuero ta cora y seco, e ta hala rosea lihe,

su curason y riñon no ta funciona mucho bon mas, su mente ta bira confuso, tin posibilidad di diarea y e por saca.

Den caso di heatstroke e persona tin riesgo di haya daño cerebral y hasta por bira fatal.

Kico pa haci den caso di un Heatstroke?

- Busca asistencia medico mesora

- Tene e persona tranquil y den fresco

- Los e pañanan na su curpa.

- Fria e curpa cu un serbete/paña muha (cu awa friu of di cranchi)

- Por pone ijs of ice-pack bou di brasa, na nek, lomba, riba stoma y/of memey di e pianan.

- Si persona ta consciente lag'a bebe awa no mucho friu.

- Laga e persona drumi plat y hisa su pianan.

Durante e dianan aki,



Aruba ta experienciando un calor exesivo cu por tin efecto riba salud di hende y bestia y pa cual motibo Departamento di Salud Publico ta conseha comunidad pa evita di ta pafo den solo entre 11:00 cu 2:00 di merdia cu ta e orario cu solo ta mas fuerte. Bebe hopi likido durante dia y limita actividad fisico den e orarionan mas calor di dia. Pone extra atencion riba nos muchanan y adulto may-

or pa nan ta bon hidrata y den caso di malestar of problema di salud busca asistencia medico via dokter di cas of eerste hulp.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

Minister Glenbert Croes

Den conexion cu donacion di materialnan pa EPE UNION TA E FORSA PA LOGRA RESULTADONAN GRANDI PA NOS PAIS

ORANJESTAD – Si man pasa, comunidad di Aruba por a tuma nota di un bunita gesto cu Enseñansa pa Empleo (EPE) a ricibi for di Aruba Hotel and Tourism Association (AHATA), pa loke ta materialnan pa e cursistanan den sector horeca. E materialnan a wordo entrega door di CEO di AHATA, sra Tisa LaSorte, na Sabine De Groot Kwartiermaker pa EPE.

Minister di Labor Glenbert Croes a indica di ta sumamente orguyoso di wak e gran cooperacion cu ta existi. E materialnan cu EPE a ricibi di AHATA pa e curso di waiter, lo duna e cursistanan e hermentnan necesario pa por termina nan curso efectivamente, y ta bon prepara pa drenta e mercado laboral. Esaki ta muestra cu unabes tin union, cosnan grandi por wordo logra pa pais Aruba.

Sabine De Groot: Director Interino EPE

Durante un entrevista cu Sabine de Groot, el a expresa di ta sumamente contento pa e bunita donacion cu EPE a ricibi di AHATA. E ta gradici sra LaSorte pa e cooperacion, y pa semper ta dispuesto na yuda e sector di educacion, specialmente e studiantenan cu ta preparando nan mes pa drenta y labora den e sector di turismo. E materialnan aki, lo facilita e lesnan, pa loke ta e curso di waiter, duna pa docente Francis Trimon.

Tisa LaSorte: CEO AHATA
Na su turno, sra LaSorte a

expresa, cu como CEO di AHATA, nan meta ta pa wak unda nan por brinda asistencia. El a splica cu durante combersacionnan cu e Kwartiermaker di EPE, sra Sabine De Groot, a bin dilanti cu tin scarcedad na material pa curso di waiter/waitress, y pa e motibo aki lesnan no por wordo duna debidamente. Mirando e demanda, su persona a bay e mesun dia y busca tur e materialnan pa asina brinda eneseñansa na e cursistanan. Gestonan asina ta yuda cu e orguyo di e curso, e ta yuda pa nan siña cu e articulonan adecua. E sector aki ta uno importante, mirando cu e ta brinda servicio na e pilar economico mas grandi di pais Aruba,



cu ta turismo.

Parlamentario Alvin Molina (MEP):

Lo tin mehoracion den DIP ?

Aunke Sra. Marilyn Dirksen a wordo nombra como directora suplente di DIP, no ta sigur ainda ken of pa ki tempo lo tin un director fiho bek, comunidad di Aruba mester y merece pa e servicio di e Departamento di Infraestructura drecha awo. Den un reunion recien cu Sra. Dirksen el a indica cu e tin suficiente tempo trahando na Directie Infrastructuur en Planning (DIP) pa por a mira kico ta causa cu e servicio di e departamento no ta funciona optimal. El a enfatisa e importancia pa e personal ta bon

ekipa y motiva pa por haci nan trabou.

Un di e puntonan primordial cu Sra. Dirksen ta trahando riba dje. Su maneho y/of plan pa mehora funcionamiento di DIP ta kedando cla. Mi a palabra cu Sra. Dirksen cu den e prome siman di september 2023 e lo bin Parlamento di Aruba pa duna presentacion actualisa di e retraso cu tin na DIP, kico a causa esaki y su plan pa drecha e servicio.

Danki na nos Minister President Evelyn Wever - Croes pa duna oido na mi peticion pa mete mas direct cu mando di su



Departamento di Infraestructura. A bira tempo pa ciudadano- y comer-

ciantenan por mira dilanti cu nan proyecto y soño lo bira un realidad.

E premionan pa Ultimate Taekwondo Cup a yega



Diasabra dia 2 di September Brazil Taekwondo Stichting ta organisa Ultimate Taekwondo Cup.

Ultimate Taekwondo Cup ta e ultimo clasificacion pa Best of the Best Truescore

2023.

E participacion di e scolnan di Taekwondo na Aruba ta grandi, mirando cu nan kier clasifica pa participa den Best of the Best Truescore



2023.

Brazil Taekwondo Stichting tin tur cos cla pa Diasabra awo den Centro di Bario Brazil.

Ta bay tin e referee Internacional y Elvis di Truescore for di California.

Presidente di Aruba Taekwondo Bond Sr. Moises Fernandez ta bay ta presente.

E mihonan lo clasifica pa Best of the Best Truescore 2023.

Rosario Bibo diahuebs 31 di augustus na Alto Vista

Diahuebs awo, 31 di augustus, lo tin otro Rosario Bibo na kapel di Alto Vista cuminsando pa 7 or y mey di anochi.

Ya ta un custumber pa hopi aña caba cu ora tin luna yen, ta tene e Rosario Bibo ya cu lo ta hopi cla anochi.

Ta un ocasion special pa cada persona trece su in-

tencionnan personal warda den su curason na claridad. Por resa pa bo famia, bo coleganan, pa tur estudiante, esnan enfermo of esnan di edad y pa bo mes. Pa tur por haya iluminacion di Spirito Santo pa enfrenta tur reto diariamente den bida.

Un aña escolar nobo a cuminsa y sigur cu tur estudiante, grandi y chikito, nan mayornan y e

maestronan tin e deseo pa saca bon probecho di esaki. Pero den esfuersonan pa exitoso, nos por traha luga pa orashon, pidi bon Tata yuda cada un di nos.

Comision ta invita tur hoben y nan mayornan, maestronan pa asisti na e Rosario Bibo diahuebs 31 di augustus pa 7 or y mey na kapel di Alto Vista pa uni den orashon.



PRONOSTICO DI TEMPO

VALIDO TE DIAMARS 29 DI AUGUSTUS 2023, 18:00 ORA

TEMPO:
AWE TARDI Y AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN AWACERO BREVE

TEMPERATURA MAXIMO 35 GRADO CELSIUS
TEMPERATURA MINIMO 28 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 36 PA 43 GRADO CELSIUS
UV INDEX: 12
POTENCIAL DI AWACERO PA PROXIMO 24 ORA: 1 TE 3 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

AIRPORT : MAX 35 / MIN 29 / 0.0 MM
WESTPUNT: MAX 34 / MIN 28 / 0.0 MM
STA ROSA: MAX 34 / MIN 28 / 0.0 MM

PRONOSTICO DI TEMPO PA PROXIMO 3 DIANAN: PARCIALMENTE NUBLA CU UN AWACERO BREVE. BIENTO LO TA FOR DI DIRECCION OOST-NOOR-DOOST
TE OOST Y MODERA;
TEMPERATURA (GRADO CELSIUS)
MAX / MIN LO TA: 34 / 28

Minister Oduber orguyoso pa anuncia mas proyecto pa San Nicolas

“Rodgers Beach”

lo wordo completamente drecha”



SEROE COLORADO – Di-aluna mainta Minister di Turismo y Salud Publico sr. Dangui Oduber hunto cu miembro di fraccion di MEP sra. Guedez Erasmus a anuncia e proyecto di Rodgers Beach cu ta forma parti di e masterplan di Seroe Colorado Masterplan Seroe Colorado

For di algun tempo caba gobierno Gabinete Wever-Croes, Ministerio di Turismo, Aruba Tourism Authority y DOW a traha un masterplan pa a area di Seroe Colorado cu ta consisti di mehoracion y embeyicimento di Baby Beach y Rodgers Beach. E proyecto di Baby Beach fase 1 a wordo entrega

caba.
Fase 2 lo wordo entrega den algun siman.
Fase 2 Baby Beach
Den fase 2 a construi un parkinglot organiza y estructura.
Lo bin un Retonde cu lo conecta Baby Beach cu Rodgers Beach.
A pone iluminacion pa e caya como e beach.
A drecha henter e Landscaping, a pone flora (Palo di Coco etc.) +Irrigatie systeem.
Fase 3 Baby Beach
Pa locual ta e fase 3 di Baby Beach, esaki lo wordo anuncia y lo cuminsa den algun siman.
Fase 3 ta consisti di:
Construccion di Kiosko.
Move e turtle wall pa haya un extension di e beach.
Drecha e canchanan di tennis y converti nan den canchanan deportivo multifuncional.
Lo mester bin un restaurant chikito.

Rodgers Beach
Minister Oduber a anuncia e proyecto di embeyicimento y mehoracion di Rodgers Beach.
E proyecto aki ta consisti di:
Construccion di un boardwalk (voetpad di concrete cu ta bai connecta e parkinglot nobo di baby beach te na final di rogers beach, di eynan un voetpad di palo te na e trapi.
Intencion ta connecta e voetpad Rodgers Beach y Baby Beach.
Lo move e caminda actual y hala esaki mas patras.
Ampliacion di e beach, haci esaki mas grandi pa mas hende por haci uzo di dje.



Lo construi un parkinglot nobo, palapanan nobo y extra Hut nobo. Naturalmente lo mehora e landscaping y trece modular toilet
Importancia di e proyecto E PROYECTO AKI TA UN PROYECTO CU TA CONFORME NOS MANEHO Y VISION. TURISTANAN TA BUSCA MAS Y MAS BALOR PA NAN PLACA Y CU E PROYECTO AKI HENTER E AREA LO HAYA MAS BALOR.
Gobierno tin un rol hopi importante pa hunga ora ta papia di economia di pais aruba y desaroyo na san nicolas. Nos kier fungi como e trendsetter pa haci e inversionnan necesario

pa duna inversionistanan e confiansa pa sigui despues di gobierno. Y nos a demonstra cu hechos, cu accionan, cu inversionan cu nos ta kere den e desaroyo na San Nicolas. Ta hopi miyones di florin ta wordo inverti den e area aki.
E proyecto di Baby Beach y Rodgers Beach ta hopi importante pa e area pasobra e area lo bai conoce henter un mehoracion di infraestructura, caminda, parking, luz, amenities y landscaping.
Lo duna aun mas balor na e area di Seroe Colorado cu ta un area sumamente bunita y atractivo pa desaroya.

SOLO

SUDOKU MANIA

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

Parlamentario independiente mr. Gerlien Croes

Ta hunga politica cu e futuro financiero di nos pais



E prome sesion di Parlamento tras di e reces 2023 tabata un reunion publico masha spera, sigur pa parlamentario independiente mr. Gerlien Croes, teniendo na cuenta cu e topico ta e Rijkswet Aruba Financieel Toezicht (RAft). Den su ponencia, un biaha mas el a demonstra un caracter firme y un manera di papia cla y raspa pa bisa Gabinete Wever-Croes II cu nan ta hunga politica cu e futuro di e pais.

Croes a cuminsa su disertacion diamars mainta condenando e ausencia di Minister di Husticia Rocco Tjon ya cu ta danki na dje Aruba ta den e situacion cu Hulanda no ta confia mas den Parlamento, ni den gobierno. Na opinion di Parlamentario Croes, aunke e condicionnan den RAft y den LAft (Landsverordening Aruba Financieel Toezicht) ta practicamente mesun cos, esta bin cu un miho supervision financiero, ningun hende a desea pa Aruba yega na e crusada aki despues cu prome minister Minister Evelyn Wever-Croes a deshasi di LAft na 2018 y acorda cu Hulanda pa un Rijkswet RAft 2 aña pasa. Ta un berguensa cu Hulanda por ehempel tin cu

ta pidiendo Aruba por medio di un Rijkswet pa percura pa entrega jaarrekening, esta cuenta anual; algo cu Aruba tin 5 aña sin haci. Ademá, Hulanda ta pidi Aruba pa bin cu presupuesto multianual y duna cuenta di kico ta haciendo of ta bay haci pa reduccion di debe nacional. “Realidad ta cu Tjon hunto cu Evelyn Wever-Croes y henter MEP, pa probecho politico a priminti pueblo cu lo kita e LAft, mientras cu awe hustamente ta pidi pa want’e na vigor na luga di un RAft. Mescos cu MEP ta pidi pueblo pa rindi nan placa, Hulanda tambe kier pa Gobierno di Aruba rindi e placa” e parlamentario independiente a señala. Awor cu Aruba ta lomba

contra muraya ta manera cu Gabinete Wever-Croes no ta preocupa pa e consecucionan di no acepta un RAft. Firmando e RAft, Aruba lo por paga 30 miyon florin menos na interes pa aña, den e caso cu no firma esaki, Hulanda ta ofrece prestamo na 8% di interes, pero probablemente ta pasobra e 8% adicional di interes riba prestamo aki, no ta for di nan saco e lo sali, pero atrobe for di esun di pueblo, gobierno no ta preocupa. Croes: “E realidad ta cu un rijkswet ta bay existi transparencia cu no tin aworaki. E realidad ta cu nan tin miedo di e transparencia cu e ley aki ta bay existi. Lunanan ta negocia, lunanan ta gaña pueblo y Hulanda alabes y lunanan

ta papia di autonomia, pero ta e mesun politikeria tin nos aki awe. E manera cu ta maneha e pais aki, no a laga un interes mas den Hulanda pa kere nos. Tin un desconfianza inmenso.” Pa culmina, e parlamentario independiente a expresa “Mi no sa si esey ta e autonomia cu nos kier keda cu ne. Esey ta e pregunta cu nos tin cu haci nos mes den parlamento awe. Realidad ta cu Parlamento a faya. E pueblo aki no merece e tipo di maneho aki, ni tampoco e gobernantenan aki cu ta pensa riba meta politico, sin tene cuenta cu pueblo ta paga pa e consecuencia.” Gobernantenan tin un trabou valioso pa hasi na e momento aki di negocia cu Hulanda.

Minister Endy Croes:














SELECCION DI FUTBOL FEMENINO U 14 A TITULA SUB CAMPEON DEN CFU CHALLENGE SERIES 2023 NA ANTIGUA



ORANJESTAD: Diadomingo ultimo, Minister di Enseñansa y Deporte Endy Croes a ricibi Seleccion di Futbol Femenino U 14 na nan yegada na Aeropuerto Internacional Reina Beatrix. Minister Endy Croes a felicita e ekipo cu a titula sub campeon na CFU Challenge Series

na Antigua. Presidente di Arubaanse Voetbal Bond (AVB) Sr. Randolph Lacle a indica cu e ta sumamente orguyoso di Seleccion di Futbol Femenino U 14. E logro aki ta danki na un trabou den ekipo di tanto coordinado di futbol femenino, Sra. Dyane Wiersma, Sr. David Abdul

y su team y e directiva di AVB cu a duna hopi atencion na futbol femenino. Sr. Lacle a indica cu algun aña atras ta hopi dificil di por a imagina Aruba den un final contra un pais manera Puerto Rico. Por mira e desaroyo di futbol femenino aki na Aruba. Sr. Lacle a expresa cu futbol femenino merece mas atencion. “E ta muestra cu return on investment ta hopi grandi na Aruba y nos ta bay sigui profila mas”, Sr. Lacle a señala. Minister Endy Croes ta gradici Seleccion di Futbol Femenino U 14 pa pone Aruba su nomber den halto y ta felicita tur esnan cu a contribui den e logro aki.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
		Resultado : Sorteo 28 Aug 2023 Merdia	
	Sorteo # 4016		Sorteo #
6692		0 x Jackpot	Joker
7513		0 x Match 4+	Letter
5345		0 x match 4	Proximo Jackpot
		0 x Aft. 12,00	445.000,-
X2			
	Sorteo # 4016		Sorteo #
4738		0 x Jackpot	Proximo Jackpot
	Sorteo # 2072	0 x Match 4	51.000,-
7590		0 x Aft 8,00	
	Sorteo # 4016		Sorteo #
9582		0 x Jackpot	Mega Ball:
Geminis		0 x match 4	Proximo Jackpot
	Sorteo # 890	0 x Aft. 500,00	380.000,-
767		0 x Aft 50,00	
		0 x Aft. 15,00	
FP			Afl. 520.000,-
			
		Sorteo #	
			